




杜陸子選利

陸律五言

七言上

大判

土岐文庫
文庫17
W96
3



文章 17
W96
3

御定杜陸千選卷之五目錄

陸律五言

送仲高兄官學秩滿赴行在

統分稻晚歸

聞雨

秋風

松滋小酌

再過龍洞閣

鹿頭關過龐士元廟

湖上晚歸



昭和二十二年二月一日
土岐善吉氏寄贈

01078519.19.29

御定杜陸千選卷之五目錄

戲詠西州風土

雙柏

江樓

訪楊先輩不遇因至石室

安仁道中

遣興

夜意

廣都道中呈季長

白帝泊舟

初到荊州

夢藤驛

伏中官舍極涼戲作

夕雨

正月十五日出郊至金石臺

老去

讀程秀才詩

金谿道中

雪霽歸湖上過千秋觀少留

寄朱元晦提舉

莫歸舟中

村舍

骨相

溪行

題跨湖橋下酒家

小憇村舍

夜泛蜻蜓浦

老將效唐人體

新晴

過村店有感

有為予言烏龍高峻不可到處有僧巖居

不知其年予每登千峯榭望之慨然為

作長句

寄姚太尉

寓歎

聞虜亂

泛湖至東涇

聞蛙

小園獨立

舍西夕望

醉中作

用短

書適

春陰

東村散步有懷張漢州

小出塞曲

冬夕

村居

西城

遊雲門諸蘭若

夜分不寐起坐園中至朝

悶極有作

病起憊甚有歎

縱筆

秋陰至近村

舍北搖落景物殊佳偶作

盆池

丁巳正月二日雞初鳴夢至一山寺名鳳

山其尤勝處曰味軒予為賦詩既覺不

遺一字

縱筆

小舟遊西涇度西岡而歸

莫春

書南堂壁

題夷堅志後

感舊

小舟過吉澤効王右丞

搔首

泛舟至東村

往事

題酒家壁

枕上作

幽居初夏

讀經示兒子

衡門

晨起至參倚齋示子聿

儒生

小立

戲作野興

寓言

閒中書適

雪晴步至舍傍

訪隱者

初春雜興

壬戌正月十四日

春晚書村落間事

村居

遊張園

卧疾

獨坐有懷杜伯高

出東城竝江而歸

訪客至近郊

河橋晚歸

書房雜詠

予以壬戌六月十四日入都門癸亥五月

十四日去國而中有閏月蓋相距正一

年矣慨然有賦

老伶

遊山

野步

感憤

示子聿

夜讀鞏仲至閩中詩有懷其人

上巳

繫船

揮手

雜興

雜書幽居事

初夏幽居雜賦

觀身

對酒

示鄰里

吾年過八十

遊東村

秋懷

寄隱士

出近村晚歸

秋夜

寓歎

自歎

泛舟至蜻蜒浦小泊漁村

野望

書屋壁

園中作

遣懷

夜坐門外示子適

秋日次前輩新年韻 二首

後死

農家

小江

書壁

湖邊小聚

己巳正月十八九間雪復大作不止

數日不作詩

縱筆

埭西小聚

羸老

縱筆

御定杜陸千選卷之五

陸律五言

送仲高兄官學秩滿赴行在

兄去游東閣才堪直北扉莫憂持橐晚姑記乞
身歸道義無今古功名有是非臨分出苦語不
敢計從違

統分稻晚歸

薄酒不自酌夕陽須汝歸橘包霜後羨豆莢雨
中肥路遠應加飯天寒莫減衣老懷憂自切道
眼看皆非



聞雨

慷慨心猶壯蹉跎鬢已秋百年殊鼎鼎萬事祇
悠悠不悟魚千里終歸貉一丘夜闌聞急雨起
坐涕交流

秋風

秋風吹客檣節物歎遐方歲事忽云莫吾行殊
未央霜清漢水綠日落楚山蒼此去三巴路無
猿亦斷腸

松滋小酌

西游六千里此地最淒涼騷客久埋骨巴歌猶

斷腸風聲撼雲夢雪意接瀟湘萬古茫茫恨悠
然付一觴

再過龍洞閣

天險龍門道霜清客子遊一筇緣絕壁萬仞俯
洪流著脚初疑夢回頭始欲愁危身無補國忠
孝兩堪羞

鹿頭關過龐士元廟

士元死千載淒惻過遺祠海內常難合天心豈
易知英雄今古恨父老歲時思蒼蘚無情極秋
來滿斷碑

湖上晚歸

地僻多幽事官閒慰古心
晚花藏密葉新筍補
疎林碩果畦丁獻芳醪
稚子斟碧雲遮日盡歸
路更蕭森

戲詠西州風土

衍沃絲千里融和彼四時
蠶叢角歌吹石室盛
書詩綠樹藏漁市清江
遶佛祠吾行更堪樂載
酒上蟆頤

雙柏

雙柏屹相向剛嚴如巨人
龍吟風雨夕山立雪

霜晨閱世易成古剗心不復春
扶顛要力量歲
晚莫全身

江樓

急雨洗殘瘴江邊閒倚樓
日依平野沒水帶斷
槎流擣紙荒村晚呼牛
古巷秋腐儒憂國意此
際入搔頭

訪楊先輩不遇因至石室

訪客客已去追涼成獨行
衣冠嚴漢殿草木拱
秦城古甃蒼苔滑空庭
落日明出門還懍恍列
屋打碑聲

安仁道中

三驛未為遠，衰翁愁出門。
貪程多卒卒，失眠每昏昏。
天大圖平野，江回隔近村。
何時有餘俸，小築占雲根。

遣興

耆舊日凋謝，將如此老何。
憊拈如意舞，狂叩唾壺歌。
郡縣輕民力，封疆恃虜和。
功名莫看鏡，吾意已蹉跎。

夜意

心清知睡少，氣定覺神凝。
但有一無媿，何妨百

不能燈昏如隔霧，研冷欲生冰。
兀爾遺身世，東窓待日升。

廣都道中呈季長

天上石渠郎，能來伴楚狂。
風霜朝竝轡，燈火夜連林。
江水不勝綠，梅花無賴香。
劇談那得住，出處要平章。

白帝泊舟

客路閒無事，津亭爽有餘。
峽江春漲減，灤岸夜燈踈。
老矣孤舟裏，依然十載初。
倦遊思稅駕，更覺愛吾廬。

初到荊州

萬里泛仙槎歸來鬢未華
蕭蕭沙市雨淡淡渚
宮花斷岸添新漲高城
咽晚笳船窓一樽酒半
醉落烏紗

夢藤驛

又入千山去真成萬里行
履霜常早駕秉炬或
宵征古驛怪藤合荒
陂羣鴈鳴客中常少
睡歸夢若為成

伏中官舍極涼戲作

盡障東西日洞開南北
堂漏從閒處永風自
遠

來涼客愛炊菰羹僧誇
淪茗香曉來秋色起
蕭蕭滿筠床

夕雨

獨夜初傳漏空齋半掩
扉候蟲燈下語水鳥
雨中歸客舍愁彈劍
京塵怯化衣故人招
隱意字字莫相違

正月十五日出郊至金石臺

漸老惜時節思遊那可
忘雪晴天淺碧春動
柳輕黃笑語寬衰疾
登臨到夕陽未須催
野渡聊欲據胡床

老去

老去時時病春來日日陰
文書有期會山水負
登臨倦客風埃眼孤
臣狗馬心餘寒欺短
褐莫惜酒杯深

讀程秀才詩

程子晚相得居然一坐傾
新詩欲飛動病眼為
開明英妙非凡質衰
遲畏後生吾徒可相
賀五字有長城

金谿道中

雲閣苦竹市雨來烏石岡
駕犂雙犢健鬻繭一

村香天地君恩重風埃吏責忙
敢辭坡路滑且領筍輿涼

雪霽歸湖上過千秋觀少留

縱轡不嫌遠逢山猶一登
夕陽陂渺渺殘雪塔
層層折竹橫遮道飢鳥
下啄冰欲歸還小駐倚
杖對峻嶒

寄朱元晦提舉

市聚蕭條極村墟凍餒稠
勸分無積粟告糶未
通流民望甚飢渴公行
胡滯留徵科得寬否尚
及麥禾秋

莫歸舟中

五月未劇暑莫從城市還
斷虹低飲澗落日遠
銜山蟹舍叢蘆外菱舟薄
靄間詩情終艸艸虛
遣鬢毛斑

村舍

空谷人稀到新寒
病頓輕晨霜催小獵
宿雨潤新耕草莽秦馳道
雲烟越故城千年不磨滅
惟有莫山橫

骨相

骨相元知薄功名敢自期
病侵彊健日閒過聖

明時形勝輪臺地飛騰瀚海師
江湖雖萬里猶擬綴聲詩

溪行

霜落水初澄星繁月未升
近村聞夜犬隔浦見秋燈
多病乃如許微寒已不勝
平生隣曲意移棹避漁罾

題跨湖橋下酒家

湖水綠於染野花紅欲燃
春當三月半狂勝十年前
小店開新酒平橋上畫船
翩翩幸強健不必愧華顛

小憇村舍

藤梢維艇子烟際覓人家小婦簪新麥羣童摘
晚茶溪雲易成雨崖樹少開花聊寄平生快青
鞵到若耶

夜泛蜻蜒浦

四顧水無際三更月未生偶成搖櫂去不減御
風行烟浦漁歌斷蘆洲鬼火明還家人已睡小
立叩柴荆

老将效唐人體

寶劍夜長鳴金瘡老未平指弓誇野戰抵掌說

番情已矣黑山戍悵然青史名和親不用武教
子作儒生

新晴

雨斷歸雲急沙乾步履輕風花嬌作態野水細
無聲社酒家家醉春蕪處處耕今朝公事少一
笑賦新晴

過村店有感

細篾絡丹柿枯籬懸碧花炊烟生旅竈野水漱
寒沙棲鳥爭投樹歸牛自識家恍然遊蜀路搔
首憶天涯

有為予言烏龍高峻不可到處有僧巖居
不知其年予每登千峯榭望之慨然為作
長句

樵子向予說有僧巢翠微巖扉雲共宿錫杖鶴
同飛日莫松明火天寒榭葉衣棄官從此逝非
子尚誰歸

寄姚太尉

太尉關河傑飛騰亦遇時中原方蕩覆大計易
差池素壁龍蛇字空山熊豹姿烟雲千萬疊求
訪固難知

寓歎

久矣門無客高齋獨掩扉敢言消壯志要是息
危機清露夜自滴孤雲寒不歸晨炊勿關念更
典篋中衣

聞虜亂

運數羣胡盡烟塵北道昏百年身易老萬里志
空存楊柳搖馳道櫻桃奉寢園南公忠義薄此
恨與誰論

泛湖至東涇

春水六七里夕陽三四家兒童牧鵝鴨婦女治

桑麻地僻衣巾古年豐笑語譁老夫維小艇半
醉摘藤花

聞蛙

科斗忽安在蛙聲豪有餘雖成兩部樂恨失一
編書忿怒緣何事號呼可奈渠厨人不遐棄猶
得伴溪魚

小園獨立

草香無處覓花嫩不禁飛澤國春歸晚柴門客
過稀新泥添燕戶細雨溼鶯衣倚杖臨階久衰
翁氣力微

舍西夕望

節舍菱陂北柴門藥圃西竒雲去人近澹月傍
簷低野迴羊牛下林昏鳥雀棲郊墟少還徃父
子自扶攜

醉中作

宦遊三十載舉步亦看人愛酒官長罵近花丞
相嗔湖山今入手風月始關身少吐曾中氣從
教白髮新

用短

用短定非癡愛閒真復竒飯香貧始覺睡味老

偏知畦地閒栽藥留僧靜對碁餘年猶有幾捨
此欲何之

書適

老翁垂七十其實似童兒山果啼呼覓鄉儺喜
笑隨羣嬉累瓦塔獨立照盆池更挾殘書讀渾
如上學時

春陰

老境三年病新春十日陰孤舟鏡湖客萬里玉
關心出岫雲多態呼風鳥獨吟讀書惟恐盡傾
酒却愁深

東村散步有懷張漢州

扶杖村東路秋來始此回寒鴉盤陣起野菊卧
枝開憂國丹心折懷人雪鬢催房湖八千里那
得尺書來

小出塞曲

全師出鴈塞百戰運龍韜金絡洮州馬珠裝夏
國刀度沙風破肉攻壘雪平壕明日受降處甲
齊熊耳高

冬夕

犬吠鷺飄葉禽喧換宿枝墮空霜蕭蕭垂地斗

後集卷三
離離野叟讀書罷高城吹角悲功名渾錯料老
病却如期

村居

衰病汗朝著息寬得免歸麤能心自信不恨世
相違草市寒沽酒江城夜擣衣是中堪送老高
枕謝招麾

西城

市步羣囂散關門夕照明河流倒橋影雪野聚
烏聲繁杵聞深巷寒烟下廢城忽忽船盡發爭
趁早潮平

遊雲門諸蘭若

花過木陰合溪雲生莫涼牛行響白水鷺下點
青秧古寺宛如昔釋松森已行者年不下榻童
子為燒香

夜分不寐起坐園中至朝

涼氣蘇衰疾幽情入杖藜月驚孤鵲起天帶衆
星西松菊今彭澤山川古會稽清吟殊未愜喔
喔已晨雞

悶極有作

貴已不如賤狂應又勝癡新寒壓酒夜微雨種

花時堂下藤成架門邊枳作籬老人無日課有
興即題詩

病起憊甚有歎

殘年迫衰謝一病不枝梧書倩傍人讀行須稚
子扶冥心付天地畢世釣江湖無米博佳傳虛
名那可圖

綴筆

天道何時定人生固有涯壯年行出塞晚歲病
還家積憤憑誰豁孤忠祇自嗟今朝茅屋底隱
約聽霜笳

秋陰至近村

村店閒尋酒筇枝瘦倚肩雲齊龍卷雨野曠鶴
盤天露井飄桐後清觴泛菊前欲歸還小立搔
首意悠然

舍北搖落景物殊佳偶作

路擁新霜葉溪餘舊漲沙棲鳥初滿樹歸鴨各
知家世事元堪笑吾生固有涯南村聞酒熟試
遣小僮賒

盆池

雨送踈踈響風吹細細紋猶稀綠萍點已映小

徐定本隱三選卷五
魚羣傍有一拳石又生膚寸雲我来閒照影一
笑整綸巾

丁巳正月二日雞初鳴夢至一山寺名鳳
山其尤勝處曰味軒予為賦詩既覺不遺
一字

已窮阿閣勝更作味軒遊不盡山河大無根日
月浮吾身元是幻何物彊名愁久覓卓菴處是
間應可留

縱筆

氣本充天地書非汗馬牛人人見堯舜世世有

巢由朝市紅塵鬧山村白髮稠所欣吾道在江
漢古東流

小舟遊西涇度西岡而歸

小雨重三後餘寒百五前聊乘瓜蔓水閒泛木
蘭船雪暗梨千樹烟迷柳一川西岡夕陽路不
到又經年

莫春

季子黃金盡安仁白髮新無情五更雨便送一
年春難續西樓夢空存北陌身海棠應似舊惆
悵又成塵

書南堂壁

荒寒淺村步隱翳小茅茨偶逐漁樵住都忘歲
月移閒惟接僧話老始愛陶詩者齒猶須幾羸
然敢自期

題夷堅志後

筆近反離騷書非支諾臯豈惟堪史補端足擅
文豪馳騁空凡馬從容立斷鼇陋儒那得議汝
輩亦徒勞

感舊

凜凜隆中相臨戎遂不還塵埃出師表艸棘定

軍山壯氣河潼外雄名管樂間登堂拜遺像千
載媿吾顏

小舟過吉澤効王右丞

澤園霜露晚孤村烟火微本去官道遠自然人
迹稀木落山盡出鐘鳴僧獨歸漁家閒似我未
夕閉柴扉

搔首

玩畫無餘易聞歌已盡詩古人不可作此理孰
能推白髮秋風裏青燈夜雨時初心竟當負搔
首歎吾衰

泛舟至東村

野水如天遠漁舟似葉輕
颼颼風漸冷淡淡月初生
沙際樵蘇路籬間語笑聲
還家已薄莫燈火照柴荆

往事

海內橫流日吾猶及建炎
衆醫雖共視久疾固難
砭黠虜方觀釁行宮未
解嚴時平逾五紀話此
涕常霑

題酒家壁

智若禹行水道如丁解
牛蘧蘧幾春夢泛泛一

虛舟事定憂何益
狂來醉始休青帘誇酒美
且復共登樓

枕上作

水漲池新滿山寒屋儘低
愁多憎夜雨睡少喜晨雞
社肉初分胙春蕪已再犁
明朝尋父老不

幽居初夏

路繚長隄北家居小市西
陂塘晨飲犢門巷午鳴雞
婦喜蠶三幼兒誇雨一犁
衰翁亦放浪未怕展霑泥

讀經示兒子

通經本訓詁講字極聲形未盡寸心苦已銷雙
鬢青懼如臨戰陣敬若在朝廷此是吾家事兒
曹要細聽

衡門

小聚風烟外衡門水竹間疏溝分北澗翦木見
南山人笑謀生拙天教到死閒猶存拄杖子遇
興即躋攀

晨起至參倚齋示子聿

似仙猶火食比古未巢居老子麤全節小兒能

著書下簾留乳燕投飯出潛魚幸好隆中客無
為起艸廬

儒生

儒生安義命所遇委之天用可重九鼎窮寧直
一錢雖云髮種種未害腹便便高卧茅簷下羹
藜法不傳

小立

紅樹園廬晚碧花籬落秋荒陂船護鴨斷岸笛
呼牛酒賤村村醉山寒寺寺幽聊須岸烏幘小
立埭西頭

戲作野興

出戶語鄰叟與卿同一愚逢人即如舊臨事不
勝迂髮白花猶插囊空酒亦沽回思五十載何
處有榮枯

寓言

濟劇人才易扶顛力量難為謀須遠大守節要
堅完氣與秋天杳曾吞夢澤寬方知至危地自
有泰山安

閒中書適

綦廢機心息書捐羨睡多客來時淡話酒後亦

高歌甚欲江湖去無如老病何平羗半輪月依
舊照漁蓑

雪晴步至舍傍

雪消還似雨冰釋旋成泥視菜荒陂北尋梅小
塢西牆陰新犢卧庭際午雞啼幽興殊無極歸
來日已低

訪隱者

湖曲有隱者時時容叩門人如釣渭叟地似避
秦村笑語囂塵遠衣冠古製存山寒歸路晚相
與盡瓢樽

初春雜興

水長鷗初泛山寒茗未芽
深林聞社鼓落日照漁家
渡遠呼船久橋傾取路斜
客愁慵遠眺不是怯風沙

壬戌正月十四日

老子居然健上元如許晴湖平
波不起天濶月徐行散髮漁舟穩
臨風野笛清安能擁笳鼓萬里將幽并

春晚書村落間事

千古會稽城閭閻樂太平
豐年觀米價霽色聽禽聲

俗儉憎浮侈民淳力釣耕
幽詩有七月字字要躬行

村居

鴨鵝穿林語鷓鴣
竝水鳴鶻漿憐道暍裏飯助鄰
畊零落橋危斷敲斜屋半傾
君毋笑偷惰猶足盡吾生

遊張園

冷局歸差早名園得緩行
穿林山驟出度硤路微平
霜近柳無色風生蒲有聲
出門還懍悅滿路夕陽明

卧疾

舊疾乘衰作長貧與嬾宜羈愁惟付酒史課未妨詩雨入殘更滴霜逢閏歲遲新春真老及不用卜歸期

獨坐有懷杜伯高

畫橋通小市深院欲黃昏愛月先移燭留香每閉門李侯有佳句樂令善清言老病貪搢枕何由共一樽

出東城竝江而歸

上車容假寐出郭當閒遊遠笛臨風起高帆到

岸收人歸花市路客醉酒家樓徑就東窓卧孤燈欲話愁

訪客至近郊

訪客西郊路停車小苑門閒雲寧有雨淡日不成暄鷺下青蘋浦鴉啼綠樹村還家未索莫隨分具魚殮

河橋晚歸

曲巷連新市層樓近小橋青帘猶滴雨綠浦恰通潮簾影晴方見笙聲冷未調斜陽覓歸路偏愛玉驄驕

書房雜詠

賦性無他嗜傳家但古書堯咨洪水際羲畫結
繩餘異學方攘斥浮文亦掃除挑燈北窓下聊
得遂吾初

予以壬戌六月十四日入都門癸亥五月
十四日去國而中有閏月蓋相距正一年
矣慨然有賦

三百六十日扶衰得出都略無新伎倆仍是舊
形模世事蠻攻觸人情越事吳勿言尊業老樣
權醉湘湖

老伶

老伶頭已白相識不論年時出隨童稚猶能習
管絃烟林梅市路風慢放翁船餘酒堪同醉君
無惜醉眠

遊山

古寺不來久入門空歎嗟僧亡猶見塢樹老已
無花世事雖難料吾生固有涯慙慙一梳月十
里伴還家

野步

場圃農功畢村鄰醉叟多野風吹慘澹海氣起

嗟我婦女窺籬看兒童拾穗歌身閒不自樂如此莫年何

感憤

形勝嶠潼在英豪趙魏多精兵連六郡要地控三河慷慨鴻門會悲傷易水歌幾人懷此志送老一漁叢

示子聿

古學尊皇極淫辭斥異端人才如爾少老健及吾難身退桑榆暝家貧菽水歡人生粗足耳衣食不須寬

夜讀鞏仲至閩中詩有懷其人

詩思尋常有偏於客路新能追無盡景始見不凡人細讀公竒作都忘我病身蘭亭盡名士逸少獨清真

上巳

殘年登八十佳日遇重三簾幕低新燕房櫳起晚蠶名花紅滿舫美醞綠盈甌春事還如昨衰懷自不堪

繫船

高樹滴殘雨叢蘆生夕風惰遊貧有自老鈍學

無功歲月詩編裏江湖旅色中烟村繫船處避
逅得漁翁

揮手

揮手羣王府說駕石帆山偶與片雲出却隨孤
鶴還松風莫蕭瑟石溜夜淙潺阿敏讀書處更
添節一間

雜興

愛物停垂釣劬身自荷鋤時從鄰父飲日授稚
孫書尚棄登山屐寧須下澤車平生雙不借投
老伴歸歟

雜書幽居事

抱甕窮園叟還山老布衣死邊常得活閑處偶
容歸釣恐魚吞餌慕憂客墮機此心君會否洗
盡百年非

初夏幽居雜賦

闢地剪蓬蒿何曾歎作勞藥名尋本草蘭族驗
離騷北澗穿籬過南山出屋高回頭看富貴何
啻一秋毫

觀身

欲去浮華累先觀老病身濁醪何負汝淡飯最

宜人意氣隨年往工夫媿日新祇將閒送老虛
作太平民

對酒

密篠持苫屋寒蘆用織簾
疑肩紫熟罨尊菜豉
初添黃甲如盤大紅丁似蜜甜
街頭桑葉落相喚指青帘

示鄰里

篤學仁何遠窮居道亦行
能充氣剛大誰蔽性
光明家世艱難業鄉閭宿昔情
歲殘相勞苦惟是語春畊

吾年過八十

八十又過二自言名放翁
斧斤遺壽櫟雲海寄冥鴻
酒挂驢鞍側詩投藥笈中
灞城逢薊叟共語莫怱怱

遊東村

露草衡門曉風松一塢幽
新春有佳日老子得閒遊
鷗為忘機下魚緣得計
浮歸途無遠近一葉亂漁舟

秋懷

典琴沽市釀賣劍買吳牛
雞黍隨時具江山到

處留隨僧日一浴笑吏月三休安得沅湘客相
從賦遠遊

寄隱士

乳竇寒猶滴巖扉夜不扃竒書窺鳥跡靈藥得
人形浩浩天風積冥冥海氣清儻逢王內史更
為乞黃庭

出近村晚歸

松枝代如意練布製單衣出每沾晨露歸常送
夕暉野花當路發沙鳥背人飛到舍燈初上茅
簷聞踏機

秋夜

落葉鳴遙夜啼螿送暮秋不知何許笛故作此
時愁青海三年戍黃旗萬里侯何如石帆下烟
雨釣滄洲

寓歎

短髮不禁搔紆悲賴濁醪潦收溪瀨急木落寺
樓高善飯餘何欠看雲亦足豪今朝有竒事江
浦得霜螯

自歎

惡殺常根食安貧但緼袍消搖敢言達簡默本

非高入剡逢飛雪遊吳看怒濤平生笑漁父苦
語勸鋪糟

泛舟至蜻蜓浦小泊漁村

醉泛蜻蜓浦咿啞一舫聲陂塘秋水瘦墟落莫
烟生野店曾留醉樵翁不記名相逢雖惘惘懷
抱已先傾

野望

偶攜一小豎徒倚望南山船笛為誰怨溪雲如
我閒洲長歸鴈下天迴莫鴉還安得一竿去終
年烟水間

書屋壁

築室鏡湖濱于今四十春放生魚自樂施食鳥
常馴土潤觀鋤藥燈清論養真桃源處處有不
獨武陵人

園中作

湖曲舊誅茆松陰近結巢安閒多熟睡衰退少
新交雨漬丁香結春生豆寇梢良晨不把酒新
燕解相嘲

遣懷

風月資吟嘯漁樵約往還貧猶能釀酒病不廢

遊山亂石卧牛馬
流泉鳴珮環
豁除羈旅日猶
有半生閒

夜坐門外示子適

秋意遽如許
體中殊未佳
灘深無宿鷺
草茂有鳴蛙
棲遯從吾好
吟哦與汝偕
雲門漸可到
剩判幾青鞋

秋日次前輩新年韻

舊交多雋傑
離散各何之
騏驥志千里
鷓鴣巢一枝
青雲迷故步
白首負明時
幸有殘書卷
猶堪付小兒

老人常獨處
一笑比河清
終日無來客
三年不入城
高眠聽酒滴
危坐對雲生
矯首羲皇世
吾其享大羹

後死

後死非初望
餘生只自悲
舊交孤劍在
壯志短檠知
行步雖依杖
光陰未付棊
為農自當力
不為學幽詩

農家

東舍女乘龍
西家婦夢熊
翁誇酒重碧
孫愛果初紅
栗烈三冬近
團藥一笑同
營生無繆巧
百

事仰天公

小江

出郭四十里孟冬天尚和風生帆力健木落月
明多小市人聲散長橋炬火過吾生幾來往撫
枕獨悲歌

書壁

故里還初服明息念老農方蒙鏡湖賜又忝渭
川封炊粟猶支日葺蔬可御冬霜天病益減高
枕聽隣鐘

湖邊小聚

小聚遠塵囂淳風獨未澆鳴機燈煜煜飲犢雨
蕭蕭異味常交致新醪亦苦邀人間交道絕令
我慕漁樵

已巳正月十八九間雪復大作不止

早衰常畏雪况復在江干三日不能出數年無
此寒捲簾驚滉漾下榻覺蹒跚稚子應憐我孤
吟興未闌

數日不作詩

吾詩鬱不發孤寂奈愁何偶爾得一語快如疏
九河黃流舞浩蕩白雨助滂沱門外無來客花

前自浩歌

綴筆

兀兀一無為冥冥百不知倦多惟嗜睡食晚遂
忘飢開卷渾如夢逢人不省誰何須覓知識木
石即吾師

埭西小聚

瓦盎盛蠶蛹沙斛煮麥人三家小聚落兩姓世
婚姻父老衣冠古閭閻風俗淳不應陶靖節獨
號葛天民

羸老

羸老幸未死敢嗟生理微牛閒牧童卧犬吠市
船歸月落見收網燈青聞踏機時時語鄰里井
臼幸相依

綴筆

天下本無事吾生行且休關心惟酒盞入眼獨
漁舟鴈過三湘曉雲開二華秋殷勤驛樓柱小
草記曾遊

御定杜陸千選卷之五

御定杜陸千選卷之六目錄

陸律七言

新夏感事

留題雲門草堂

度浮橋至南臺

出縣

送杜起莘殿院出守遂寧

聞武均州報已復西京

送七兄赴揚州帥幕

村居

逍遙

次韻无咎別後見寄

望江道中

秋夜讀書每以二鼓盡為節

寄答蘇州楊齊伯左司

去年余佐京口遇王嘉叟從張魏公督師

過焉魏公道免相嘉叟亦出守莆陽近

辱書報魏公已葬衡山感歎不已因用

所遺拄頰亭詩韻奉寄

燒香

初夏道中

示兒子

遊山西村

觀村童戲溪上

家園小酌

上虞逆旅見舊題歲月感懷

舜廟懷古

僧房假榻

弔李翰林墓

雨中泊趙屯有感

黃州

哀郢 二首

初寒

塢子磯

大寒出江陵西門

馬上

水亭有懷

晚泊松滋渡口

山寺

寒食

晚晴書事呈同舍

鄉中每以寒食立夏之間省墳客夔適逢

此時悽然感懷

晚晴聞角有感

醉中到白崖而歸

小市

柳林酒家小樓

夜抵葭萌惠照寺寓榻小閣

驛亭小憇遣興

歸次漢中境上

赴成都泛舟自三泉至益昌謀以明年下
三峽

宿武連縣驛

絲州魏成縣驛有羅江東詩云芳草有情
皆礙馬好雲無處不遮樓戲用其韻

羅江驛翠望亭讀宋景文公詩

成都歲暮始微寒小酌遣興

自蜀州暫還成都奉簡諸公

嘉祐院觀壁間文湖州墨竹

登荔枝樓

再賦荔枝樓

小山之南作曲欄石磴繚繞如棧道戲作
長句

醉中感懷

送客至江上

醉鄉

夜雨感懷

八月二十二日嘉州大閱

西園

曉坐

十一月八日夜燈下對梅花獨酌累日勞甚頗自慰也

快晴

遊修覺寺

湖上筍盛出戲作長句

雨後集湖上

東湖新竹

寓驛舍

宴西樓

書懷

秋思

東園晚步

秋色

夜宿鵲鳴山

秋夜懷吳中

宿上清宮

西樓夕望

晚登橫溪閣

高齋小飲戲作

夏日過摩訶池

寓舍書懷

成都書事

牛飲市中小飲呈坐客

自警

明日午睡至暮復次前韻

春晴暄甚遊西市施家園

馬上偶成

春殘

卜居

三月一日府宴學射山

小疾謝客

幽居晚興

閒中偶題

晚興

合江夜宴歸馬上作

月下醉題

野外劇飲示坐中

芳華樓夜宴

和范待制秋興

歲暮感懷

芳華樓夜飲

丁酉上元

和范舍人病後詩兼呈張正字

登劍南西川門感懷

眉州作

暇日行城上同行追不能及

感秋

江樓醉中作

曳策

閒意

浣花賞梅

蜀苑賞梅

倚樓

夜宴賞海棠醉書

南定樓遇急雨

泊公安縣

舟行蘄黃間雨霽得便風有感

六月十四日宿東林寺

過采石有感

登賞心亭

將至京口

湖村秋曉

吾廬

客意

綠淨亭晚興

憶山南

雪中感成都

御定杜陸千選卷之六

陸律七言

新夏感事

百花過盡綠陰成
漠漠爐香睡晚晴
病起兼旬踈把酒
山深四月始聞鶯
近傳下詔通言路
已卜餘年見太平
聖主不忘初政美
小儒唯有涕縱橫

留題雲門草堂

小住初為旬月期
二年留滯未應非
尋碑野寺雲生屨
送客溪橋雪滿衣
親滌硯池餘墨漬
卧

看爐面散烟霏他年遊宦應無此早買漁蓑未
老歸

度浮橋至南臺

客中多病廢登臨聞說南臺試一尋九軌徐行
怒濤上千艘橫繫大江心寺樓鐘鼓催昏曉墟
落雲烟自古今白髮未除豪氣在醉吹橫笛坐
榕陰

出縣

忽忽簿領不堪論出宿聊寬久客魂稻壠牛行
泥活活埜塘橋壞雨昏昏槿籬護藥纜通徑竹

算分泉自遍村歸計未成留亦好愁腸不用遶
吳門

送杜起莘殿院出守遂寧

羽檄聯翩晝夜馳臣憂顧不在邊陲軍容地密
寧當議陛下恩深不忍欺白簡萬言幾慟哭青
編一傳可前知平生所學今無負未歎還鄉兩
鬢絲

聞武均州報已復西京

白髮將軍亦壯哉西京昨夜捷書來胡兒敢作
千年計天意寧知一日回列聖仁恩深雨露中

徐定本陸子選 卷六
與赦令疾風雷懸知寒食朝陵使驛路梨花處
處開

送七兄赴揚州帥幕

初報邊烽照石頭旋聞胡馬集瓜州諸公誰聽
芻蕘策吾輩空懷畎畝憂急雪打窓心共碎危
樓望遠涕俱流豈知今日淮南路亂絮飛花送
客舟

村居

富貴功名不擬論且浮舴艋寄烟村生憎快馬
隨鞭影寧作癡人記劒痕樵牧相諳欲爭席比

鄰漸熟約論婚晨春夜績吾家舊正要遺風付
子孫

逍遙

臺省諸公日造朝放慵別駕媿逍遙州如斗大
真無事日抵年長未易消午坐焚香常寂寂晨
興署字亦寥寥時平更喜戈船靜閒看城邊帶
雨潮

次韻无咎別後見寄

平日杯行不解辭長亭况是送君時幾行零落
僧窓字何限流傳樂府詩歸思恰如重醞酒歡

情略似欲殘
綦龍蛇飛動無由見
坐媿文園屬思遲

望江道中

吾道非邪來曠野
江濤如此去何之
起隨烏鵲初翻後宿及牛羊
欲下時風力漸添帆力健
鷗聲常雜鴈聲悲
晚來又入淮南路
紅樹青山合有詩

秋夜讀書每以二鼓盡為節

腐儒碌碌歎無奇
獨喜遺編不我欺
白髮無情侵老境
青燈有味似兒時
高梧策策傳寒意
疊

鼓鼙鼙迫睡期
秋夜漸長飢作祟
一杯山藥進瓊糜

寄答絲州楊齊伯左司

磊落人為磊落州
滕王閣望越王樓
欲憑夢去直虛語
賴有詩來寬旅愁
我老一官書紙尾
君行千騎試遨頭
遙知小寄平生快
春酒如川炙萬牛

去年余佐京口
遇王嘉叟從張魏公督師
過焉魏公道免相嘉叟亦出守
莆陽近辱書報魏公已葬衡山
感歎不已因用所遺

拄頰亭詩韻奉寄

河亭挈手共徘徊萬事寧非有數哉黃閣相君
三黜去青雲學士一麾來中原故老知誰在南
嶽新丘共此哀火冷夜窓聽急雪相思時取近
書開

燒香

茹芝却粒世無方隨食江湖每自傷千里一身
鳧泛泛十年萬事海茫茫春來鄉夢憑誰說歸
去君恩未敢忘一寸丹心幸無愧庭空月白夜
燒香

初夏道中

桑間萳熟麥齊腰鶯語惺惚野雉驕日薄人家
晒蠶子雨餘山客買魚苗豐年隨處俱堪樂行
路終然不自聊獨喜此身強健在又搖團扇著
絺蕉

示兒子

父子扶攜返故鄉欣然擊壤詠陶唐墓前自誓
寧非隘澤畔行吟未免狂雨潤北窓看洗竹霜
清南陌課剝桑秋毫何者非君賜回首脩門敢
遽忘

遊山西村

莫笑農家臘酒渾豐年留客足雞豚山重水複
疑無路柳暗花明又一村簫鼓追隨春社近衣
冠簡朴古風存從今若許閒乘月拄杖無時夜
叩門

觀村童戲溪上

雨餘溪水掠堤平閒看村童戲晚晴竹馬踉蹌
衝淖去紙鳶跋扈挾風鳴三冬暫就儒生學千
耦還從父老耕識字粗堪供賦役不須辛苦慕
公卿

家園小酌

旋作園廬指顧成柳陰已復著啼鶯百年更把
幾杯酒一月元無三日晴鷗鷺向人殊耐久山
林與世本無營小詩漫付兒曹誦不用韓公說
有聲

上虞逆旅見舊題歲月感懷

舩艤為家東復西今朝破曉下前溪青山缺處
日初上孤店開時鶯亂啼倦枕不成千里夢壞
墻閒覓十年題漆園傲吏猶非達物我區區豈
足齊

舜廟懷古

雲斷蒼梧竟不歸江邊古廟鎖朱扉山川不為
興亡改風月應憐感慨非孤枕有時鶯喚夢斜
風無賴客添衣千年回首消磨盡輸與漁舟送
落暉

僧房假榻

過盡青山喚渡船晚窓洗脚卧僧氈剩償平日
清遊願更結來生熟睡緣吞豕漸稀如老鶴鳴
聲已斷似寒蟬旁觀莫苦嘲癡鈍此妙吾宗秘
不傳

吊李翰林墓

飲似長鯨快吸川思如渴驥勇奔泉客從縣令
初何有醉忤將軍亦偶然駿馬名姬如昨日斷
碑喬木不知年浮生今古同歸此回首桓公亦
故阡

雨中泊趙屯有感

歸燕羈鴻共斷魂荻花楓葉泊孤村風吹暗浪
重添纜雨送新寒半掩門魚市人烟橫慘淡龍
祠簫鼓鬧黃昏此身且健無餘恨行路雖難莫
更論

黃州

局促常悲類楚囚，遷流還歎學齊優。
江聲不盡英雄恨，天意無私草木秋。
萬里羈愁添白髮，一帆寒日過黃州。
君看赤壁終陳迹，生子何須似仲謀。

哀郢

遠接商周祚最長，北盟齊晉勢爭強。
章華歌舞終蕭瑟，雲夢風烟舊莽蒼。
草合故宮惟鴈起，盜穿荒冢有狐藏。
離騷未盡靈均恨，志士千秋淚滿裳。

荊州十月早梅春，徂歲真同下阪輪。
天地何心窮壯士，江湖從古著羈臣。
淋漓痛飲長亭暮，莫慷慨悲歌白髮新。
欲弔章華無處問，廢城霜露溼荆榛。

初寒

船尾寒風不滿旗，江邊叢祠常掩扉。
行人畏虎少晨起，舟子捕魚多夜歸。
茆葉翻翻帶宿雨，葦花漠漠弄斜暉。
傷心到處聞砧杵，九月今年未授衣。

墻子磯

拾遺本陸下選 卷二
塢子磯前艇子橫一窓秋月為誰明青山不減
年年恨白髮無端日日生七澤蒼茫非故國九
歌哀怨有遺聲古來撥亂非無策夜半潮平意
未平

大寒出江陵西門

平明羸馬出西門淡日寒雲久吐吞醉面衝風
驚易醒重裘截手取微溫紛紛狐兔投深莽點
點牛羊散遠村不為山川多感慨歲窮遊子自
消魂

馬上

燈前薄飯陳鹽齏帶睡強出行江隄五更落月
移樹影十月清霜侵馬蹄荒陂噦噦已度鴈小
市喔喔初鳴雞可憐萬里覓歸夢未到故山先
自迷

水亭有懷

漁村把酒對丹楓水驛憑軒送去鴻道路半年
行不到江山萬里看無窮故人草詔九天上老
子題詩三硤中笑謂毛錐可無恨書生處處與
卿同

晚泊松滋渡口

小灘拍拍鷓鴣飛深竹蕭蕭杜宇悲看鏡不堪
衰病後繫船最好夕陽時生涯落魄惟耽酒客
路蒼茫自詠詩莫問長安在何許亂山孤店是
松滋

山寺

籃輿送客過江村小寺無人半掩門古佛負牆
塵漠漠孤燈照殿雨昏昏喜投禪榻聊尋夢嬾
為啼猿更斷魂要識人間盛衰理岸沙君看去
年痕

寒食

峽雲烘日欲成霞灑水生紋淺見沙又向蠻方
作寒食強持卮酒對梨花身如巢燕年年客心
羨游僧處處家賴有春風能領略一生相伴遍
天涯

晚晴書事呈同舍

魚復城邊夕照紅物華偏解惱衰翁巴鷲有恨
啼芳樹野水無情入故宮許國漸踈悲壯志讀
書多忘媿新功因君共語增惆悵京洛交遊欲
半空

鄉中每以寒食立夏之間省墳客夔適逢

此時悽然感懷

松陰繫馬啓朱扉
粒粒青紅正此時
守墓萬家猶有日
及親三釜永無期
詩成謾寫天涯淚
盡何由地下知
富貴賤貧俱有恨
此生長廢蓼莪詩

晚晴聞角有感

暑雨初收白帝城
小荷新竹夕陽明
十年塵土青衫色
萬里江山畫角聲
零落親朋勞遠夢
淒涼鄉社負歸耕
議郎博士多新奏
誰致當時魯二生

醉中到白崖而歸

醉眼朦朧萬事空
今年痛飲灑西東
偶呼快馬迎新月
却上輕輿晚風行
路八千常是客
丈夫五十未稱翁
亂山缺處如橫綫
遥指孤城翠靄中

小市

小市門前沙作堤
杏花雖落不霑泥
客心尚壯身先老
江水流方東我獨西
暫憇軒窓仍汛掃
遠遊書劔亦提攜
子規應笑飄零慣
故傍茆簷盡意啼

柳林酒家小樓

桃花如燒酒如油
緩轡郊原當出遊
微倦放教成午夢
宿醒留得伴春愁
遠途始悟乾坤大
晚節偏驚歲月遒
記取晴明果州路
半天高柳小青樓

夜抵葭萌惠照寺寓榻小閣

亭驛驅馳髀肉消
故山歸夢愈迢迢
夜行觸尉那能避
朝過隨僧不待招
雨後風雲猶慘澹
霜前草木已蕭條
衰遲事事非平日
醉裏題詩亦復聊

驛亭小憩遣興

淡日微雲共陸離
曲闌危棧出參差
老松臨道閱千載
杜宇啼山連四時
漢水東流那有極
秦關北望不勝悲
郵亭下馬開孤劔
老大功名頗自期

歸次漢中境上

雲棧屏山閱月遊
馬蹄初喜蹋梁州
地連秦雍川原壯
水下荆揚日夜流
遺虜孱孱寧遠略
孤臣耿耿獨私憂
良時恐作他年恨
大散關頭又一秋

赴成都泛舟自三泉至益昌謀以明年下
三峽

詩酒清狂二十年又摩病眼看西川心如老驥
常千里身似春蠶已再眠莫雪烏奴停醉帽秋
風白帝放歸船飄零自是關天命錯被人呼作
地仙

宿武連縣驛

平日功名浪自期頭顱到此不難知宦情薄似
秋蟬翼鄉思多於春繭絲野店風霜做裝早縣
橋燈火下程遲鞭寒熨手戎衣窄忽憶南山射

虎時

絲州魏成縣驛有羅江東詩云芳草有情
皆礙馬好雲無處不遮樓戲用其韻

老夫乘興忽西遊遠跨秦吳萬里秋尊酒登臨
遍山寺歌辭散落滿江樓孤城木葉蕭蕭下古
驛灘聲澹澹流未許詩人誇此地茂林脩竹憶
吾州

羅江驛翠望亭讀宋景文公詩

撲馬征塵拂不開高亭敝帽一徘徊蜀山地曠
稀逢雪閨歲春遲未見梅陂水近人無鷺下烟

梅定本陸二選 卷六
林藏寺有鐘來宋公出牧曾題壁錦段雖殘試
剪裁

成都歲暮始微寒小酌遣興

革帶頻移紗帽寬茶鐺欲熟篆香殘疎梅已報
先春信小雨初成十月寒身似野僧猶有髮門
如村舍強名官鼠肝蟲臂元無擇遇酒猶能罄
一歡

自蜀州暫還成都奉簡諸公

不涿元規一點塵行歌偶到錦江濱淋漓詩酒
無虛日判斷鶯花又過春客路柳陰初墮絮還

家梅子欲生仁更須作意勤相過要信年光屬
散人

嘉祐院觀壁間文湖州墨竹

石室先生筆有神我来拂拭一酸辛敗牆慘澹
欲無色老氣森嚴猶逼人慣閱冰霜元耐久恥
隨兒女更爭春紛紛可笑空摹擬爾輩毫端萬
斛塵

登荔枝樓

平羌江水接天流涼入簾櫳已似秋喚作主人
元是客知非吾土強登樓閒憑曲檻常忘去欲

蘇東坡詩選 卷二
下危梯更小留公事無多厨釀美此身不負負
嘉州

再賦荔枝樓

只道文書撥不開未妨高處獨徘徊山橫瓦屋
披雲出水自牂牁裂地來暝入簾陰吹細雨涼
生樓角轉輕雷癡頑也擬忘鄉國不奈城頭暮
角哀

小山之南作曲欄石磴繚繞如棧道戲作
長句

吏退庭空剩得閒一窓如在翠微間半崖縈棧

遊秦路疊嶂生雲入剡山真有巖居臨絕壑但
無漁艇繫寒灣躋攀自苦君休笑寸步何曾不
險難

醉中感懷

早歲君王記姓名只今顛顛客邊城青衫猶是
鷄行舊白髮新從劍外生古戍旌旗秋慘淡高
城刁斗夜分明壯心未許全消盡醉聽檀槽出
塞聲

送客至江上

多事經旬不出城今朝送客此閒行郊原遠帶

新晴色人語中含樂歲聲天際斂雲山盡出江
流收漲水初平故園社友應惆悵五歲無端棄
耦耕

醉鄉

醉鄉卜築亦佳哉但苦無情白髮催癡欲煎膠
黏日月狂思入海訪蓬萊辭巢歸燕先秋去泥
露幽花近社開莫惜傾家供作樂古人白骨有
蒼苔

夜雨感懷

老來每惜歲崢嶸幾為巴歌判宿醒白帝草生

時入夢錦官花重更關情簾疎夜雨侵燈暈枕
冷秋風透角聲定許何時理歸棹酒狂猶解賦
蕪城

八月二十二日嘉州大閱

陌上弓刀擁寓公水邊旌旆卷秋風書生又試
戎衣窄山郡新添畫角雄早事樞庭虛畫策晚
遊幕府媿無功草間鼠輩何勞磔要挽天河洗
洛嵩

西園

半掩朱門蘚徑斜翠屏繡谷忽谿砑高高下下

後安本隱一過 卷六
天成景密密踈踈自在花江近夕陽迎宿鷺林
昏殘角促歸鴉吾舟已繫津南岸喚客猶能一
笑譁

曉坐

低枕孤衾夜氣存披衣起坐默忘言餅花力盡
無風墮爐火灰深到曉溫空索時時聞鼠齧小
窓一一送鴉翻悠然忽記幽居日下榻先開水
際門

十一月八日夜燈下對梅花獨酌累日勞
甚頗自慰也

犇走人間無已時夜窓喜對出塵姿移燈看影
憐渠瘦掩戶留香笑我癡冷豔照杯欺麴蘖孤
標逼硯結冰澌本來難入繁華社莫向春風怨
不知

快晴

地闢天開斗柄回今朝紅日遍池臺新陽蘇醒
春前柳輕暖醫治雪後梅瓦屋螺青披霧出錦
江鴨綠抱山來衰翁也逐兒童喜旋撥文書近
酒杯

遊修覺寺

印定士

卷六

陸律七言

十七

上盡蒼崖百級梯詩囊香枕手親攜山從飛鳥
行邊出天向平蕪盡處低花落忽驚春事晚樓
高剩覺客魂迷興闌掃榻禪房卧清夢還應到
剡溪

湖上筍盛出戲作長句

鹹鹹穿苔瑇瑁簪按行日夜待成林養渠百尺
干霄氣見我平生及物心剩插藩籬憂玉折豫
期風雨聽龍吟明年又徙囊衣去誰與平安報
好音

雨後集湖上

野水交流自滿畦芳池新漲恰平堤花藏密葉
多時在鶯占高枝盡日啼繡袂寶帚催結束金
尊翠杓共提攜白頭自喜能狂在笑鬢蠻牋落
醉題

東湖新竹

插棘編籬謹護持養成寒碧映淪漪清風掠地
秋先到赤日行天午不知解籜時聞聲簌簌放
梢初見葉離離官閒我欲頻來此枕簟仍教到
處隨

寓驛舍

閒坊古驛掩朱扉又憇空堂綻客衣九萬里中
鯤自化一千年外鶴仍歸遶庭數竹饒新筍解
帶量松長舊園惟有壁間詩句在暗塵殘墨兩
依依

宴西樓

西樓遺跡尚豪雄錦繡笙簫在半空萬里因循
成久客一年容易又秋風燭光低映珠幃麗酒
暈徐添玉頰紅歸路迎涼更堪愛摩訶池上月
方中

書懷

楚澤巴江兩鬢殘夕陽又是倚闌干敢言日與
長安遠惟恨天如蜀道難客枕五更歸夢短新
詩千首後人看青簾白舫何時發醉聽琵琶興
已闌

秋思

大面山前秋笛清細腰宮畔暮灘平吳檣楚柁
動歸思隴月巴雲空復情萬里風塵舊朝士百
年鉉槩老書生水村漁市從今始安用區區海
內名

東園晚步

後定本陸子選 卷二
久客天涯憶故園，疆名官寺只衡門。秋桐蠹遍無全葉，古柳吹斜出半根。痛飲每思樽酒窄，微官空羨布衣尊。何時定下三巴去，思卧孤舟聽斷猿。

秋色

一段淒涼傍酒杯，中年剩作楚囚哀。迢迢似伴明河出，慘慘如随落照来。客路半生常淚眼，鄉關萬里更危臺。蓼汀荻浦江南岸，自入秋来夢幾回。

夜宿鵲鳴山

西遊萬里已關天，采藥名山亦宿緣。老柏干霄如許壽，幽花泣露為誰妍。苔黏石磴捫蘿上，燈耿雲房掃榻眠。安得仙翁索米術，一生留此弄寒泉。

秋夜懷吳中

秋夜挑燈讀楚辭，昔人句句不吾欺。更堪臨水登山處，正是浮家泛宅時。巴酒不能消客恨，蜀巫空解報歸期。灞橋烟柳知何限，誰念行人寄一枝。

宿上清宫

九萬天衢浩浩風此身真是一枯蓬盤蔬采掇
多靈藥閣道攀躋出半空累盡神仙端可致心
虛造化欲無功金丹定解幽人意散作山椒百
炬紅

西樓夕望

夜郎城裏歎途窮賴有西樓著此翁溪鳥孤飛
寒靄外野人參語夕陽中蒼天可恃何曾老白
髮緣愁却未公俗態十年看爛熟不如留眼送
歸鴻

晚登橫溪閣

樓鼓聲中日又斜憑高愈覺在天涯空桑客土
生秋草野渡虛舟集晚鴉瘴霧不開連六詔俚
歌相答帶三巴故鄉可望應添淚莫恨雲山萬
疊遮

高齋小飲戲作

梅花又發鬼門關坐覺春風萬里寬荔子陰中
時縱酒竹枝聲裏彊追歡丁年漢使殊方老子
夜吳歌昨夢殘白帝夜郎俱不惡兩公補處得
憑欄

夏日過摩訶池

烏帽翩翩白紵輕摩訶池上試閒行
淙潺野水鳴空苑寂歷斜陽下廢城
縱轡迎涼看馬影袖鞭尋句聽蟬聲
白頭散吏元無事却為興亡一
愴情

寓舍書懷

借得茅齋近笮橋羈懷病思兩無聊
春從豆蔻梢頭老日向樗蒲齒上消
叢竹曉蒸風力橫高梧夜挾雨聲
驕書生莫倚身常健未畫凌烟鬢
已凋

成都書事

劍南山水盡清暉濯錦江邊天下稀
烟柳不遮樓角斷風花時傍馬頭飛
毛羹筍似稽山美斫膾魚如笠澤肥
客報城西有園賣老夫白首欲
忘歸

牛飲市中小飲呈坐客

牛飲橋頭小市東店門繫馬一尊同
已能自置功名外尚欲相期意氣中
褐擁紫茸迎曉日酒翻紅浪醉春風
從今共約無踈索竹外梅花欲
惱公

自警

乳烹佛粥遽如許菜簇春盤行及時草木欣欣
渠得意乾坤浩浩我何私懷材所忌多輕用學
道當從不自欺朝莫置規君勿怪修身三省自
先師

明日午睡至暮復次前韻

酒力醺然入四支華胥稅駕不應遲殘年已覺
衰難彊萬事無如睡不知幸有琴書供枕籍安
能冠帶更支持紅爐過盡灰如雪獨守青燈坐
畫詩

春晴暄甚遊西市施家園

稅駕名園半日留遊絲飛蝶晚悠悠驟暄不為
海棠計長晝只添鸚鵡愁老去自驚詩酒減客
中偏覺歲時適東風好為吹歸夢著我松江弄
釣舟

馬上偶成

城南城北紫遊韉盡日閒行看似忙刺水離離
葛葉短連村漠漠豆花香夕陽有信催殘角春
草無情上繚牆我亦人間倦遊者長吟聊復愴
興亡

春殘

無功老鄉遠征人有夢歸首蒼苗侵官道合蕪
菁花入麥畦稀倦遊自笑摧頽甚誰記飛鷹醉
打圍

卜居

歷盡人間行路難老來要覓數年間供家米少
因添鶴買宅錢多為見山池面紋生風細細花
根土潤雨斑斑借春乞火依鄰里剩釀村醪約
往還

三月一日府宴學射山

北出昇仙路少東據鞍自笑老從戎百年身世
酣歌裏千古功名感慨中天遠僅分山髣髴霧
收初見日曛曛橫空我欲江湖去誰借冷然禦
寇風

小疾謝客

小疾深居不喚醫消搖更覺勝平時癡人未害
看周易名士真須讀楚辭綠徑風斜花片片畫
廊人靜雨絲絲晚來頓覺清羸甚自置篝爐煮
栗糜

幽居晚興

御定本朝詩選 卷六
借鉏斲藥喜微香汲井澆花趁晚涼曾次何曾
橫一物尊前尚欲笑千場錦江秋雨芙蓉老笠
澤春風杜若芳歸去自佳留亦樂夢中何處是
吾鄉

閒中偶題

久矣雲衢斂羽翰退飛更覺一枝安七千里外
新聞客十五年前舊史官花底清歌春載酒江
邊明月夜投竿癡頑直為多更事莫怪曾懷抵
死寬

晚興

老病愁趨畫戟門天教高卧浣花村山林獨往
雜屠釣世界皆空誰怨息千卷蠹書忘歲月一
尊濁酒信乾坤興來倚杖清江上斷角疎鐘正
斂昏

合江夜宴歸馬上作

零露中宵濕綠苔江郊縱飲亦荒哉引杯快似
黃河瀉落筆聲如白雨來纖指醉聽箏柱促長
檠時看燭花摧頭顱自揣應虛死馬上長歌寄
此哀

月下醉題

黃鵠飛鳴未免飢此身自笑欲何之閉門種菜
英雄老彈鋏思魚富貴遲生擬入山隨李廣死
當穿冢近要離一樽彊醉南樓月感慨長吟恐
過悲

野外劇飲示坐中

悲歌流涕遣誰聽酒隱人間已半生但恨見疑
非節俠豈忘小忍就功名江湖舟楫行安往燕
趙風塵久未平飲罷別君攜劍起試橫雲海翦
長鯨

芳華樓夜宴

射虎將軍老不侯尚能豪縱醉江樓笙歌雜沓
娛清夜風露高寒接素秋少日壯心輕玉塞莫
年幽夢墮滄洲人間清絕沅湘路常笑靈均作
許愁

和范待制秋興

策策桐飄已半空啼螿漸覺近房櫳一生不作
牛衣泣萬事從渠馬耳風名姓已甘黃紙外光
陰全付綠尊中門前剝豕誰相覓賀我今年號
放翁

歲暮感懷

柳定士

陸律七言

二十六

征塵十載暗戎衣
虛負名山采藥期
少日覆瓿曾草檄
即今橫槊尚能詩
昏昏殺氣秋登隴
颯颯飛霜夜出師
會有英豪能共此
鏡中未用歎吾衰

芳華樓夜飲

結客追遊亦樂哉
城南城北古池臺
香生赭汗連錢馬
光溢金船撥雪醅
難覓長繩縻日住
且憑羯鼓喚花開
一春政使渾無事
醉到清明得幾回

丁酉上元

鼓吹連天沸五門
燈山萬炬動黃昏
美人與月正同色
客子折梅空斷魂
寶馬暗塵思輦路
釣船孤火夢江村
古來漫道新知樂
此意何由可共論

和范舍人病後詩兼呈張正字

士生不及慶曆初
下方元祐當勿踈
請看蛟龍得雲雨
豈比鳥雀馴堦除
舍人起視北門草
學士歸著東觀書
劔外老農亦吐氣
釀酒畦花常晏如

登劔南西川門感懷

自古高樓傷客情更堪萬里望吳京
故人不見莫雲合客子欲歸春水生
瘴癘連年須藥石退藏無地著柴荆
諸公勉畫平戎策投老深思看太平

眉州作

扁舟久不泛蟆津常恐黃塵解汚人
爛醉破除千日懣狂吟判斷四州春
汀洲漸歎蘋花老風露初嘗荔子新
便欲騎鯨東海去勝遊未忍別峩岷

暇日行城上同行追不能及

疾步登城殊未衰欣然一笑擲筇枝
正當閒似白鷗處不減健如黃犢時
秋野烟雲橫慘淡莫天樓閣倚參差
高吟醉舞忘歸去乞與丹青畫怪奇

感秋

西風繁杵擣征衣客子關情正此時
萬事從初聊復爾百年疆半欲何之
畫堂蟋蟀怨清夜金井梧桐辭故枝
一枕淒涼眠不得呼燈起作感秋詩

江樓醉中作

淋漓百榼宴江樓
秉燭揮毫氣尚遒
天上但聞星主酒
人間寧有地埋憂
生希李廣名飛將
死慕劉伶贈醉侯
戲語佳人頻一笑
錦城已是六年留

曳策

慈竹蕭森拱廢臺
醉歸曳策一徘徊
紛紛落日牛羊下
黯黯長空霰雪來
三峽猿催清淚落
兩京梅傍戰塵開
客懷已是淒涼甚
更聽城頭畫角哀

閒意

柴門雖設不曾開
為怕人行損綠苔
妍日漸催春意動
好風時捲市聲來
學經妻問生疎字
嘗酒兒斟潏澁杯
安得小園寬半畝
黃梅綠李一時栽

浣花賞梅

老子人間自在身
插梅不惜損烏巾
春回積雪層冰裏
香動荒山野水濱
帶月一枝低弄影
背風千片遠隨人
石家樓上貪吹笛
肯放朝朝玉樹新

蜀苑賞梅

十里温香撲馬來江頭還見去年梅喜開剩欲
邀明月愁落先教掃綠苔跌宕放翁新醉墨淒
涼廢苑舊歌臺盛衰自古無窮事莫向昆明歎
劫灰

倚樓

減盡朱顏白髮新高樓徒倚默傷神未酬馬上
功名願已是人間老大身太史周南方卧疾拾
遺劍外又逢春一杯且為江山醉百萬呼盧迹
已陳

夜宴賞海棠醉書

便便癡腹本來寬不是天涯強作歡燕子歸來
新社雨海棠開後却春寒醉誇落紙詩千首歌
費纏頭錦百端深院不聞傳夜漏忽驚蠟淚已
堆盤

南定樓遇急雨

行遍梁州到益州今年又作度瀘遊江山重複
爭供眼風雨縱橫亂入樓人語朱離逢峒獠棹
歌款乃下吳舟天涯住穩歸心嬾登覽茫然却
欲愁

泊公安縣

秦關蜀道何遼哉公安渡頭今始回無窮江水
與天接不斷海風吹月來船窓簾捲螢火鬧沙
渚露下蘋花開少年許國忽衰老心折柁樓長
笛哀

舟行蘄黃間雨霽得便風有感

天青雲白十分晴帆飽舟輕盡日行江底魚龍
貪晝睡淮南草木借秋聲好山縹緲何由住華
髮蕭條只自驚莫怪時人笑踈嬾宦情元不似
詩情

六月十四日宿東林寺

看盡江湖千萬峯不嫌雲夢芥吾曾戲招西塞
山前月來聽東林寺裏鐘遠客豈知今再到老
僧能記昔相逢虛牕熟睡誰驚覺野碓無人夜
自舂

過采石有感

短衣射虎早霜天歎息南山又七季唾手每思
雙羽箭快心初見萬樓船平波漫漫看浮馬高
柳陰陰聽亂蟬明日重尋石頭路醉鞍誰與共
聯翩

登賞心亭

蜀棧秦關歲月道今年乘興却東遊全家穩下
黃牛峽半醉來尋白鷺洲黯黯江雲瓜步雨蕭
蕭木葉石城秋孤臣老抱憂時意欲請遷都涕
已流

將至京口

卧聽金山古寺鐘三巴昨夢已成空船頭坎坎
回帆鼓旗尾舒舒下水風城角危樓晴靄碧林
間雙塔夕陽紅銅瓶愁汲中灑水不見茶山九
十翁

湖村秋曉

劍閣秦山不計年却尋剡曲故依然盡收事業
漁舟裏全付光陰酒榼邊平野曉聞孤唳鶴澄
湖秋浸四垂天九關虎豹君休問已向人間得
地仙

吾廬

吾廬雖小亦佳哉新作柴門斲綠苔拄杖每闌
歸鶴入釣船時帶夕陽來墟烟隔水霏霏合籬
菊凌霜續續開千里安期那可得笑呼鄰父共
傳杯

客意

山行曳杖水拏舟走遍茫茫禹畫州蝴蝶夢魂
常是客芭蕉身世不禁秋早因食少妨高卧晚
憶茶甘作遠遊龍焙一嘗端可去無心更為荔
枝留

綠淨亭晚興

綠淨亭邊物色奇放翁睡起曳筇枝新涼已似
鴈來後微雨却如梅熟時綠竹成陰葺細棧朱
闌倒影入清池登臨獨恨非吾土不為城頭畫
角悲

憶山南

醉墨淋漓酒百杯轅門山色碧崔嵬打毬駿馬
千金買切玉名刀萬里來結客漁陽時遣簡踏
營渭北夜銜枚十年一夢今誰記閉置車中只
自哀

雪中感成都

憶在西州遇雪時繡筵處處百花圖烏絲闌展
新詩就油壁車迎小獵歸感事鏡鸞悲獨舞寄
書箏鴈恨慵飛愁多自是難成醉不為天寒酒
力微

